

**XUNTA DE GALICIA**CONSELLERÍA DO MEDIO RURAL
E DO MAR
Secretaría Xeral do MarEdificios Administrativos San Caetano, s/n.
15781 SANTIAGO DE COMPOSTELA
Teléfono 981 544 072 - Fax 981 544 740

RESOLUCIÓN DO 25 DE MARZO DE 2015 POLA QUE SE AUTORIZA O PLAN DE PESCA DE ANGUÍA PARA AS CONFRARÍAS DE PESCADORES DA RÍA DE FERROL.

Feitos.-

O 1 de outubro de 2010, unha vez cumpridos os requisitos fixados do Regulamento (CE) n.º 1100/2007, foi aprobado por Decisión da Comisión Europea o plan nacional español de xestión da anguía e os doce plans específicos de xestión da anguía, entre eles o de Galicia.

Fundamentos técnicos de dereito.-

1. O Regulamento (CE) n.º 1100/2007 do Consello, do 18 de setembro de 2007, polo que se establecen medidas para a recuperación da poboación da anguía europea, establece no seu artigo 2.4, a obrigatoriedade de establecer plans de xestión para a recuperación da especie, cuxo obxectivo será "reducir a mortalidade antropoxénica a fin de permitir, cunha elevada probabilidade, a fuga ao mar de polo menos o 40% da biomasa de anguías europeas correspondente á mellor estimación do posible índice de fuga que se houberse rexistrado no caso que ningunha influencia antropoxénica houberse incidido na poboación.
2. O artigo 2.8 do Regulamento (CE) n.º 1100/2007 establece que, os plans de xestión da anguía poderán incluír -entre outras- determinadas medidas como: redución da actividade pesqueira comercial, restricción da pesca deportiva, medidas de repoboación, medidas medioambientais, loita contra os depredadores, medidas relativas á acuicultura.
3. A Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, establece no artigo 6 que "A política da Administración da Comunidade Autónoma de Galicia terá como obxectivos en relación coa conservación e a xestión dos recursos pesqueiros e marisqueiros, entre outros os de: 1. O establecemento e a regulación de medidas dirixidas á conservación, a xestión e a explotación responsable, racional e sustentable dos recursos mariños vivos (...)"



**XUNTA DE GALICIA**CONSELLERÍA DO MEDIO RURAL
E DO MAR
Secretaría Xeral do MarEdificios Administrativos San Caetano, s/n.
15781 SANTIAGO DE COMPOSTELA
Teléfono 981 544 072 – Fax 981 544 740

No Decreto 15/2011, do 28 de xaneiro, polo que se regulan as artes, aparellos, útiles, equipamentos e técnicas permitidos para a extracción profesional dos recursos mariños vivos en augas de competencia da Comunidade Autónoma de Galicia, a nasa voitirón ven regulada nos artigos 89 a 93 e a nasa anguía nos artigos 94 a 98. Segundo o establecido nos artigos 92 e 97, "o seu uso deberá facerse sempre mediante plans de xestión aprobados pola consellería competente en materia de pesca marítima".

Da discusión das medidas técnicas co sector, acórdase trasladar as recomendacións mediante un plan de xestión para toda Galicia con medidas técnicas específicas para cada ría.

Polo exposto, esta Consellería,

RESOLVE:

Autorizar a citada pesquería baixo os seguintes termos e condicións:

1º.- Participantes.- Unicamente participarán no plan as embarcacións que teñan no seu permiso de explotación autorizada a arte de **nasa voitirón** ou a de **nasa para anguía**. Os tripulantes deberán estar debidamente enrolados e a bordo na embarcación en que desenvolven a actividade.

2º.- Período.- O período autorizado será dende o 1 de abril ata o 31 de outubro de 2015.

3º.- Horario.-

A) **Nasa para anguía:** O uso de nasas para anguía será en horario exclusivamente diúrno.

B) **Nasa voitirón:** A utilización de nasas voitirón será tanto diúrna como nocturna.

As nasas poderán permanecer caladas no mar os fins de semana, non podendo levantar a arte entre as 12:00 horas do sábado e as 12:00 horas do luns seguinte.



**XUNTA DE GALICIA**CONSELLERÍA DO MEDIO RURAL
E DO MAR
Secretaría Xeral do MarEdificios Administrativos San Caetano, s/n.
15781 SANTIAGO DE COMPOSTELA
Teléfono 981 544 072 - Fax 981 544 740

4º.- Arte.- As artes a usar serán:

I.- A nasa anguía, segundo as seguintes características técnicas:

1. A nasa para anguía ten forma cuasi cilíndrica, con dúas aberturas nas caras opostas, unha de entrada en forma de funil e outra provista de tapadeira, que serve para retirar as capturas.
2. A lonxitude máxima será de 670 milímetros
3. A altura ou diámetro máximo será de 350 milímetros.

II.- A nasa voitirón, segundo as seguintes características técnicas:

- A) A nasa voitirón consta dunha parte central rectangular de rede, chamada parada, ao extremo da cal e perpendicularmente a ela se sitúan tres funís concéntricos de rede que desembocan nunha última cámara onde quedan atrapados os peixes.
- B) A lonxitude máxima será de 6 metros.
- C) A altura ou diámetro máximo será:
 - 1.- Primeiro aro: alto 500 milímetros, ancho 700 milímetros.
 - 2.- Segundo aro: diámetro máximo 400 milímetros.
 - 3.- Terceiro aro: diámetro máximo 350 milímetros.
 - 4.- Cuarto aro: diámetro máximo 340 milímetros.
- D) A dimensión de malla mínima será de 14 milímetros na parte dos funís e de 16 milímetros no da parada.

5º.- Número de nasas.- Con base ao establecido no Plan de xestión da anguía en Galicia, ningunha embarcación poderá empregar máis de 80 nasas de anguía ou nasas de voitirón ao día, independentemente da zona de pesca.

6º.- Zonas de pesca.- A zona de traballo autorizado é a Ría de Ferrol, segundo a carta mariña que acompaña esta resolución como **anexo A**.

Para evitar a morte de capturas incidentais, prohíbese que os voitiróns queden en seco, polo que cómpre ter en consideración a influencia das mareas para adecuar á zona de traballo os puntos de calado das devanditas nasas.

7º.- Balzamento da arte.- As artes deberán estar convenientemente balzadas segundo a normativa vixente, cunha boia nos extremos na que irá pintado o folio e o nome do barco ao que pertencen, así como o tipo de arte - neste caso coa letra "N"- de tal xeito que permita a súa identificación. As boias de cada embarcación serán todas da mesma cor e tamaño.



**XUNTA DE GALICIA**CONSELLERÍA DO MEDIO RURAL
E DO MAR
Secretaría Xeral do MarEdificios Administrativos San Caetano, s/n.
15781 SANTIAGO DE COMPOSTELA
Teléfono 981 544 072 – Fax 981 544 740

8º.- Especies.- *Anguía* e acompañantes que deberán estar en época de extracción e superar a talla mínima. Evitarase a captura de anguiás prateadas e tódalas que se capturen deberán ser devoltas ao mar para asegurar a súa reprodución. Procurarase baleirar as nasas o máis asiña posible, para evitar a mortalidade das capturas accidentais, quedando prohibido ter máis de unha cacea sen baleirar na cuberta da embarcación.

9º.- Punto de control e venda.- Zonas de pesca, lonxas e puntos de venda autorizados.

10º.- Control e seguimento da actividade pesqueira.-

a) Despachos telemáticos.- Deberán despachar as embarcacións no apartado de **adhesión a plan de explotación:** ["NASA ANGUÍA (30A); NASA VOITIRÓN (15F) PLAN ANGUÍA 2015 (RÍA DE FERROL)"]. Polo tanto, as embarcacións que despachen a un **plan de explotación só poderán faenar no mesmo día no ámbito do correspondente plan, e non poderán usar ningunha outra arte** que teñan no seu permiso de explotación.

Por outra banda, advírtese que, ao remate da vixencia deste plan, se non se realiza un novo rexistro de actividade pesqueira a embarcación pasará a situación de "**pendente rexistro actividade**".

b) Remisión de datos de capturas.- Con periodicidade **mensual** a confraría deberá remitir datos de extracción por especie, utilizando como modelo o que como **anexo B** se acompaña, ao Servizo de Pesca da Secretaría Xeral do Mar, vía **fax (981544740)** –preferentemente–, ou correo electrónico á dirección serviciopesca@xunta.es. No caso da anguía débese indicar a **procedencia das capturas:** (M) as capturadas na zona marítima; (F) as capturadas na zona fluvial. A non inclusión de datos dalgunha das embarcacións no período estipulado terá como consecuencia a súa **baixa definitiva** do plan.

c) Mostraxes.- Durante o período de vixencia do plan, técnicos da Consellería poderán realizar en calquera das embarcacións autorizadas, mostraxes para control, seguimento e avaliación do plan; os armadores deben colaborar de tal xeito que se permita acadar os obxectivos propostos. **A falta de colaboración neste eido ocasionará a baixa definitiva do plan.**

11º.- Extracción e comercialización.- O exercicio da actividade extractiva e comercial establecida neste plan está sometida ao estrito cumprimento da



**XUNTA DE GALICIA**CONSELLERÍA DO MEDIO RURAL
E DO MAR
Secretaría Xeral do MarEdificios Administrativos San Caetano, s/n.
15781 SANTIAGO DE COMPOSTELA
Teléfono 981 544 072 – Fax 981 544 740

normativa vixente en materia de extracción e comercialización de produtos da pesca fresca.

12º.- Infraccións e sancións.- O incumprimento das condicións establecidas neste plan, poderá ser sancionado segundo o establecido na Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro.

Contra esta Resolución, que esgota a vía administrativa, poderase interpoñer recurso de reposición no prazo dun mes, contado dende o día seguinte ao da súa notificación, ante a conselleira do Medio Rural e do Mar, de conformidade co disposto nos artigos 116 e 117 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro.

A conselleira,



Rosa M. Quintana
Rosa M. Quintana Carballo





XUNTA DE GALICIA

CONSELLERÍA DO MEDIO RURAL
E DO MAR
Secretaría Xeral do Mar

Edificios Administrativos San Caetano, s/n.
15781 SANTIAGO DE COMPOSTELA
Teléfono 981 544 072 – Fax 981 544 740



ANEXO A

**CARTOGRAFÍA DAS ZONAS AUTORIZADAS PARA O PLAN DE PESCA
DE ANGUÍA COAS NASAS PARA ANGUÍA E VOITIRÓN
(RÍA DE VIGO)**

PERÍODO 2015



